



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Ex constitutionibus Pontificijs de priuilegijs ordinis mendicantium.

urn:nbn:de:hbz:466:1-11399

dire constitutioni neglexerit edita de exemptione monialium eiusdem ordinis.

Greg. XIII. Quicumque monachus ordinis Cisterciensis aliquid commiserit contra constitutionem editam de exemptione monialium ab eodem ordine.

Greg. XIII. Quicumque ditioni ecclesiasticae subiectus, homicidas, grassatores, & damnatos crimine capitali exules receperit, recipi permiserit: qui item impedierit ne capiantur: qui etiam fecerit ut capti euadant qui praeterea impedierit iustitiae ministros, aut eos aliquo modo perterre fecerit.

Greg. XIII. Quicumque Episcopus monialium monasteria, praeter casus necessarios, ingressus erit, si semel hoc fecerit, ingressu ecclesiae interdicitur, si iterum, a munere Episcopali, & a diuinis suspenditur, si deinceps, ipso facto absque declaratione excommunicationem subit. Regularis autem, omni officio ac ministerio priuatus, excommunicationi similiter subiacet.

Idem. Quicumque sine Pontificis concessu in prouincia Mediolanensi sacras reliquias asportarit: qui item ab vna ecclesia ad aliam transfulerit: qui aliquam earum particulam concesserit, donarit: qui item acceperit.

Ex constitutionibus Pontificis de priuilegijs ordinis mendicantium.

Bonifac. IX. Quia monasteria ingrediuntur monialium ordinis Praedicatorum, Franciscanorumve, in casibus non concessis. Qui libellos conficiunt, scriptaue vlla contra fratres ordinis Praedicatorum, & Franciscanorum.

Alexa. VIII. Qui negant eiusdem ordinis fratribus licere eleemosinas quaerere, aut praedicare, aut confessiones audire de facultate Summi Pontificis, sine consensu aliorum praelatorum inferiorum, rectorum ecclesiarum, aut parochorum.

Idem Alex. & Bonif. IX. Qui in monasterijs, ecclesijsve suis apostatas detinent eiusdem ordinis, nisi illos eiecerint, vbi ipsis denunciatum erit.

Idem in priuilegio. Qui fratres eiusdem ordinis a consortio vniuersitatis Parisiensis reiciunt, qui violentiam exercent contra loca ipsorum.

Leo X. Quicumque iudex querelas fratrum, aut monialium ordinis Praedicatorum

susciperit, vel de eis cognouerit.

Quicumque aliquem ex fratribus eiusdem ordinis coram aliquo iudice conuenerit.

Quicumque frater ordinis Sancti Augustini praetextu arctioris regulae ad alium ordinem transferit sine licentia prioris generalis.

Quicumque prohibuerit facere elemosinam fratribus eiusdem ordinis.

Quicumque frater eiusdem ordinis ab eo recedens, octo dierum spatio ad obedientiam non redierit.

Quicumque illius ordinis bona occuparit: vel personas, conuentus, loca, aut possessiones vexarit.

Quicumque rector, aliusve vniuersitatis Parisiensis, alique ex fratribus mendicantibus quouis modo in studiorum cursu vexarit, aut per turbarit.

Quicumque princeps laicus reformationem fratrum conuentualium impedierit ne fiat, aut factam mutari procurarit.

Ex Concilio Tridentino.

Quicumque alicuius ecclesiae, vel beneficii ecclesiastici, tam saecularis, quam regularis, Montium pietatis, aliorumque piorum locorum iurisdictionem, bona, census, ac iura quocumque modo usurparit. [Idem in Concilio Lateranensi sub Leone Decimo: Hodie est etiam in bulla canae Domini.]

Quicumque item ecclesiarum, aliorumque locorum fructus, emolumenta, aut quascumque obventiones, per se, vel per alios, quocumque modo in proprium usum conuerterit.

Quicumque etiam impedierit, ne ab ijs ad quos isdem fructus iure pertinet, percipiantur.

Patronus item ecclesiae, & clerici quocumque, qui huius nefariae usurpationis fabricatores, aut consentientes fuerint.

Quicumque Princeps, & alius, locum duelli concesserit: qui duellum commiserint, eorum patrini: qui item duelli consilium, tam iure, quam facto dederint: qui suaserint, ac praeterea spectatores.

Censu-